

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

La pyrotechnie de Hanzelet Lorrain

Appier-Hanzelet, Jean

Pont-à-Mousson, 1630


Des barricades

[urn:nbn:de:bsz:31-261639](https://nbn-resolving.org/urn:nbn:de:bsz:31-261639)



DES BARRICADES.

Comme les troupes pressées des ennemis sont contraintes de barriquer & tenir fort pour resister aux assauts & surprises des aduersaires. A ceste occasion ie dresse vne barricade qui pourra beaucoup endommager l'ennemy. Prenez de grandes pieces de bois qui trauerfent les lieux que vo⁹ desirez barriquer & qu'il y ait d'autres cōme grosses busches de bois, de faux, chesne, ou noyer, de longueur de 3. ou 4. pieds, lesquels vous ferez percer comme vne piece d'artillerie, de la longueur de deux pieds & demy & sur la fin du trou, vn petit trou pour seruir de lumiere pour les amorcer. Apres que vous en aurez bonne quantité pour en faire deux ou trois estages en vostre barriquerade vous les y poserez en la forme cy apres depeinte pour tirer de toutes



Ff 3

parts, vous les chargerez de bonne poudre, & les bourrez bien, & mettrez plusieurs pieces de fer rompu, & les amorcerez puis dresserez vne trainée pour y mettre le feu lors que l'ennemy s'approchera. Ce que pourront deux ou trois soldats executer par le moyen d'une trainée de poudre qui se fera d'assez loing, afin qu'ils ne se mettent en danger lors qu'ils mettront le feu en ladicte barriquade vn gouier seul peut faire cela luy mesme.



Autre barriquades.

L'On à souuent besoing d'auoir promptement des barriquades & mantelets pour se couvrir en faisant des approches de quelque place que l'on voudroit assieger & comme ce sont de grandes peines de les faire porter par les hommes: principalement quand elle sont fortes pour resister contre les mousquetades, il me semble bon de dresser la façon par des chariots communs que l'on trouue facilement & ne seroit besoing d'y faire aucune chose sinon de dresser sur les sallates & lizois des cornues qui sont fort estroits pour y mettre encor sur icelle des pieces de bois comme foliues de la grosseur de huit à neuf poudres & de la longueur de vingt à vingt cinq pieds, lesquelles pieces de bois seront posées l'un sur l'autre entre lesdits cornues iusques à la hauteur de cinq à six pieds par dessus l'essieu. Et par ce que depuis ledit essieu iusque au bas de la terre, il est descouvert, il faudra mettre de mesmes pieces de bois & les suspendre avec les essieux soit par cordage ou estrier de façon que par ce moyen l'on auroit des mantelets de grande hauteur & longueur pour se seruir de barriquade pour vne necessité lesquelles vous pouuez faire approcher en tel lieu




que vous voudrés, soit par hōmes ou cheuaulx en telle quantité que vous aurez de besoing pour faire lesdictes barricades ou mantelets: l'on trouue és maisons des villages les solives des granges & demeurance avec les charriots tous faits ou il ne faut qu'adiouter lesdits cornues, que si l'on en faict quantité l'on peut mener aux approche sans danger fors seulement le premier, d'autant que les cheuaulx qu'il menera seront d'escouerts & les autres qui suiuront seront couverts, par ce que vous ferez marcher les cheuaulx à couuert du premier charriot & consequemment de tous les autres, l'on peut faire approcher le premier sans cheuaulx, par les hommes qui poulseront à couuert ledict chariot & les autres suyuront de mesme que dessus, la le nuict peu garantir les cheuaulx de tous les dangers.




*Des Mantelets.*

LA figure inferree cy dessous, nous represente vn mantelet sur rouie, armé en son parapet de plusieurs canons ou arquebuzes, & de certaines formes de pointes d'hallebardes, ou choses semblables, tels mantelets sont propres dans vne place; d'autant que plusieurs soldats se peuuent mettre à l'abry des coups ennemys, & au moyen desdictes rouies les mantelets peuuent estre conduicts, aduancez ou reculez, en tel lieu qu'on voudra, & faire grand dommage à son aduerse partie,

*Autre figure de Mantelets.*

SI le temps & la necessité presse, & que l'on ne puisse auoir les mantelets suscripts. Par la figure qui est posée cy dessous,

cy dessous, l'on peut veoir qu'en leur deffaut on se seruira
heureusement des pieces de draps garottées, des liets, man-
tes, linceuls, & autres drapperies: & posée sur vne planche,
dans laquelle seront esleuez plusieurs montans avec vn tra-
uers ou deux, & le manche au milieu pour le porter, & ser-
uir de pied à la machine, contre laquelle seront liez ferme-
ment lesdits mantelets. Ces mantelets doiuent estre en grãd
nombre, pour faire grande resistance, & estre situez l'un
pres de l'autre, sans negliger les autres moyens deffensifs,
entre lesquels nous recommandons les mines faictes entre
la muraille battüe, & le lieu auquel l'on faict la retraicte
pour se deffendre.



47



DES FVSEES ET DE LEVRS

Structures.

POur faire des fusees, plusieurs choses sont necessaires. Il
faut les modelles, les bastös à charger, du papier double

Gg